

BH. 19.5.23

Nasional

7

Sultan Perak perkenan belia baca khutbah

Ipoh: Bagi memberi penghargaan dan pengiktirafan kepada belia, Sultan Perak, Sultan Nazrin Muizzuddin Shah menitahkan khutbah Jumaat di 24 masjid di negeri ini hari ini dibacakan khatib daripada generasi itu dengan temanya juga berkaitan belia.

Yang Dipertua Majlis Agama Islam Perak (MAIPK), Tan Sri Mohd Annuar Zaini, berkata khutbah bertemakan 'Belia Pewaris Negara Bangsa' itu bersempena Hari Belia yang disambut setiap 15 Mei.

"Sultan Perak Darul Ridzuan, Sultan Nazrin Muizzuddin Shah mengambil sempena sambutan Hari Belia Negara dan mengiktiraf peranan penting generasi belia, menitahkan khutbah Jumaat di Perak pada 19 Mei ini bertemakan 'Belia Pewaris Negara Bangsa'.

"Baginda turut memperkenan pemimpin belia diberi penghormatan membaca khutbah Jumaat di masjid di negeri ini pada 19 Mei," katanya dalam satu kenyataan, semalam.

Beliau memaklumkan, Jabatan Belia dan Sukan Perak sudah mengemukakan 24 nama pemimpin belia kepada Pengarah Jabatan Agama Islam Perak untuk tauliah sementara membaca khutbah di 24 masjid di negeri ini.

Mengikut lampiran bersama

kenyataan itu, Muhammad Syukri Alimar Shidi dari Kelab Belia Abrar; Sungai Rokam, di perkenankan tauliah untuk membaca khutbah di masjid negeri, Masjid Sultan Idris Shah II di Ipoh.

Selain itu, 23 masjid terpilih lain ialah Masjid Al-Abidin, Kampung Pasir Puteh, Kinta; Masjid Al-Falah, Taman Sri Kota, Larut Matang Selama; Masjid Sultan Idris Shah di daerah Hilir Perak; Masjid Ar-Rahmaniah, Kampung Sungai Wangi di daerah Manjung.

Masjid Abu Hurairah di daerah Batang Padang; Masjid Tuminah Hamidi di daerah Bagan Datuk; Masjid Yahya Ubudiah, Kampung Banggol Belimbang di Lenggong; Masjid Sultan Yusuf Izzudin Shah di daerah Perak Tengah.

Masjid Sultan Idris Shah II, Slim River di Mualim; Masjid Al Khairiyah Rantau Panjang di Selama, manakala di daerah Gerik membabitkan Masjid Al Hamidiah Kampung Kenayat; Masjid Jamek Gerik; Masjid SDJ Al-Muhammadiah, RPS Kemar.

Masjid Ridzuaniah, Kampung Bongor; Masjid Al-Amin, Kampung Tawai; Masjid Nurul Iman, FELDA Lawin Utara; Masjid SDJ Al-Falah Sungai Urat RPS Dala dan Masjid Rahmaniah Kampung Kerunai.